

	<h1>SLUŽBENE NOVINE OPĆINE GORAŽDE</h1>	
Godina VII	14. juli 2014. godine GORAŽDE	Broj 6

1208

Na osnovu člana 18. i 84. Statuta Općine Goražde ("Službene novine Bosansko- podrinjskog kantona Goražde", broj:13/07), Općinsko vijeće Općine Goražde, na **19.** redovnoj sjednici, održanoj dana **09.07.2014.** godine, **donosi:**

O D L U K U

o davanju saglasnosti o pokretanju postupka pregovaranja o podjeli 79 potkrovnih stanova u ulicama Maršala Tita, Jusufa Duhovića i Meha Drljevića u Goraždu

Član 1.

Ovom Odlukom daje se saglasnost na pokretanje postupka o pregovaranju, o podjeli 79 potkrovnih stanova u ulicama M.Tita, Jusufa Duhovića i Meha Drljevića u Goraždu.

Član 2.

Kriterij za raspodjelu stanova iz člana 1. ove Odluke je visina svih ulaganja Bosansko- podrinjskog kantona Goražde vezanih za izgradnju ovih stanova.

Član 3.

Načelnik Općine Goražde će formirati Komisiju koja će zajedno sa predstavnicima BPK-a Goražde utvrditi visinu ulaganja BPK-a Goražde u ove stanove i srazmjerno visini ulaganja odrediti broj i lokaciju stanova koji će pripasti Bosansko-podrinjskom kantonu Goražde, a potom zaključiti sporazum o podjeli predmetnih stanova. Prilikom raspodjele stanova uzimat će se u obzir građevinska vrijednost stanova.

Član 4.

Obavezuje se Načelnik da prije potpisivanja sporazuma o podjeli stanova iz člana 1. ove Odluke pribavi saglasnost od Općinskog vijeća.

Član 5.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-3098
Goražde, 09.07.2014. godine
PREDSJEDAVAJUĆA VIJEĆA
Jelena Mirković

1209

Na osnovu člana 365. stav 2. Zakona o privrednim društvima („Službene novine F BiH“ br. 23/99, 45/00, 2/02, 6/02, 29/03, 68/05, 91/07 i 84/08) i člana 2.,3. i 6. Zakona o ustanovama („Službeni list R BiH“ br. 6/92, 8/93 i 19/94) i člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) Općinsko vijeće Općine Goražde, na **19.** redovnoj sjednici, održanoj dana **09.07.2014.** godine, **d o n o s i:**

O D L U K U

o prestanku Javnog preduzeća „Sportsko- kulturno-privredni centar“ d.o.o. Goražde i osnivanju Javne ustanove Sportski centar Goražde

Član 1.

Prestaje Javno preduzeće „Sportsko- kulturno-privredni centar“ d.o.o. Goražde registrovano kod Općinskog suda u Goraždu sa sjedištem u Ul. Zaima Imamovića br. 44 u Goraždu, zbog osnivanja drugog oblika organizovanja obavljanja javne službe koje je do sada obavljalo ovo javno preduzeće.

Član 2.

Javno preduzeće će obavljati djelatnost do početka rada javne ustanove osnovane za obavljanje djelatnosti, koje je do sada obavljalo ovo javno preduzeće

Član 3.

Obavezuje se direktor Javnog preduzeća da podnese prijavu nadležnom sudu radi pokretanja postupka likvidacije Javnog preduzeća.

Član 4.

Osniva se Javna ustanova za obavljanje djelatnosti fizičke kulture kao samostalna ustanova u državnoj svojini.

Član 5.

Javna ustanova će obavljati djelatnost pod nazivom: Javna ustanova Sportski centar Goražde. Skraćeni naziv ustanove je: JU SC Goražde. Sjedište ustanove je u Ulici Zaima Imamovića br. 44. u Goraždu.

Član 6.

Ustanova će obavljati sljedeće djelatnosti:

- 93.11 rad sportskih objekata,
- 93.12 djelatnost sportskih klubova,
- 93.13 fitnes centri,
- 93.19 ostale sportske djelatnosti,
- 68.20 iznajmljivanje i upravljanje vlastitim nekretninama ili nekretninama uzetim u zakup (leasing).

Član 7.

Za osnivanje u početku rada osnivač Općina Goražde obazbeđuje sredstva iz Budžeta Općine Goražde u iznosu od 2.000,00 KM.

Član 8.

Za obavljanje registrovane djelatnosti Ustanova će se finansirati iz sljedećih izvora:

1. Iz Budžeta Općine Goražde,
2. Sredstava koje pribave pružanjem usluga,
3. Donacija i drugih sredstava.

Član 9.

Osnivač će svoja osnivačka prava, osim onih utvrđenim zakonom, vršiti u pravilu preko organa upravljanja ustanove, a u izvanrednim prilikama, kad dođe u pitanje obavljanje same djelatnosti, može postavljati direktne zahtjeve.

Član 10.

Višak prihoda nad rashodima ustanova će koristiti isključivo za razvoj i unapređivanje djelatnosti prevashodnim ulaganjem u osnovna sredstva ustanove.

Član 11.

Ustanova odgovara za svoje obaveze svojom imovinom, a ukoliko se obaveze ne mogu podmiriti iz imovine, Općina Goražde, kao osnivač, odgovara supsidijarno.

Član 12.

Ustanovom će upravljati Upravni odbor kojeg imenuje Načelnik Općine Goražde, u skladu sa zakonom i Pravilima Ustanove, na period od četiri godine.

Upravni odbor ima tri člana od kojih se jedan, obavezni, imenuje iz reda zaposlenih.

Član 13.

Nadzorni odbor Ustanove nadzire rad Ustanove i organa rukovođenja, a čija su prava i obaveze određene zakonom i Pravilima Ustanove.

Nadzorni odbor imenuje Načelnik Općine na period od četiri godine, u skladu sa zakonom i Pravilima Ustanove.

Član 14.

Organ rukovođenja Ustanove je direktor Ustanove. Direktora Ustanove imenuje Upravni odbor, uz prethodnu saglasnost Načelnika Općine, na period od četiri godine, u skladu sa zakonom i Pravilima Ustanove.

Član 15.

Nadležnosti, prava i obaveze organa Ustanove utvrđene su Zakonom o ustanovama i zakonima i drugim propisima koji uređuju ovu oblast kao javnu službu, a isti će se bliže urediti u pojedinim pitanjima gdje to zakon dozvoljava, Pravilima Ustanove.

Član 16.

Načelnik Općine će pokrenuti postupak imenovanja Upravnog odbora Ustanove u roku od 15 dana od dana stupanja na snagu ove Odluke.

Član 17.

Upravni odbor Ustanove donijet će Pravila Ustanove u roku od 60 dana od dana imenovanja.

Član 18.

Do imenovanja direktora Ustanove, funkciju rukovođenja i zastupanja Ustanove obavljat će Čurović Memsur, bez ograničenja ovlaštenja, koji se ovlašćuje da podnese prijavu registarskom Sudu u Goraždu za registraciju Ustanove.

Član 19.

Ustanova će početi sa radom od narednog dana od dana registracije u registarskom Sudu u Goraždu. U roku od osam dana od dana početka rada Ustanova će preuzeti radnike i dokumentaciju prestalog Javnog preduzeća SKPC „Mirsad Hurić“ Goražde.

Član 20.

Ova Odluka stupa na snagu osmog dana od dana objave u „Službenim novinama Općine Goražde“.

Broj: 01-02-1-3097

Goražde, 09.07.2014. godine

PREDSJEDAVAJUĆA VIJEĆA

Jelena Mirković

1210

Na osnovu člana 18. i 84. Statuta Općine Goražde („Službene novine Bosansko - podrinjskog kantona Goražde“, broj:13/07), člana 21. Zakona o trezoru u Federaciji BiH („Službene novine Federacije BiH“, broj:19/03 i 79/07) i Zaključka Općinskog vijeća Općine Goražde broj: 01-05-1-2058, od 30.04.2014. godine, Općinsko vijeće Općine Goražde na **19.** redovnoj sjednici, održanoj dana **09.07.2014.** godine, donosi:

ODLUKU**o preuzimanju JU za predškolski odgoj i obrazovanje Goražde na trezor Općine Goražde****Član 1.**

Ovom Odlukom preuzima se JU za predškolski odgoj i obrazovanje Goražde na trezor Općine Goražde, i to od dana 01.01.2015. godine.

Član 2.

JU za predškolski odgoj i obrazovanje Goražde će biti upisana, do navedenog datuma iz prethodnog člana, u Registar budžetskih korisnika, a u skladu sa Pravilnikom o utvrđivanju i načinu vođenja Registra budžetskih korisnika Budžeta u Federaciji BiH („Službene novine FBiH“, broj:30/14).

Član 3.

Za realizaciju ove Odluke se zadužuje Načelnik Općine Goražde i nadležna Služba za finansije, trezor i privredu.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“, a primjenjivat će se od 01.01.2015. godine.

Broj: 01-02-1-3096

Goražde, 09.07.2014. godine

PREDSJEDAVAJUĆA VIJEĆA

Jelena Mirković

1211

Na osnovu člana 18. i 84. Statuta Općine Goražde („Službene novine Bosansko - podrinjskog kantona Goražde“, broj: 13/07), člana 21. Zakona o trezoru u Federaciji BiH („Službene novine Federacije BiH“, broj:19/03 i 79/07) i Zaključka Općinskog vijeća Općine Goražde broj: 01-05-1-2058, od 30.04.2014. godine, Općinsko vijeće Općine Goražde na **19.** redovnoj sjednici, održanoj dana **09.07.2014.** godine, donosi:

ODLUKU**o preuzimanju JU Centar za kulturu Goražde na trezor Općine Goražde****Član 1.**

Ovom Odlukom preuzima se JU Centar za kulturu Goražde na trezor Općine Goražde, i to od dana 01.01.2015. godine.

Član 2.

JU Centar za kulturu Goražde će biti upisana, do navedenog datuma iz prethodnog člana, u Registar budžetskih korisnika, a u skladu sa Pravilnikom o utvrđivanju i načinu vođenja Registra budžetskih korisnika Budžeta u Federaciji BiH („Službene novine FBiH“, broj: 30/14).

Član 3.

Za realizaciju ove Odluke se zadužuje Načelnik Općine Goražde i nadležna Služba za finansije, trezor i privredu.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“, a primjenjivat će se od 01.01.2015. godine.

Broj: 01-02-1- 3095

Goražde, 09.07.2014. godine

PREDSJEDAVAJUĆA VIJEĆA

Jelena Mirković

1212

Na osnovu članu 14. stav 4. Zakona o eksproprijaciji Federacije BiH („Službene novine Federacije BiH“, broj: 70/7), a na osnovu zahtjeva Ministarstva za privredu BPK-a Goražde, Općinsko vijeće Općine Goražde na **19.** redovnoj sjednici, održanoj dana **09.07.2014.** godine, daje sljedeće:

MIŠLJENJE

1. Rekonstrukcija dijela regionalnog puta R 448 kroz naselje Splavište, u dužini od 1.400 m je od interesa za Općinu Goražde.
2. Rekonstrukcija pomenutog pravca je potreba Općine Goražde, koja će dovesti do modernizacije i proširenja ove saobraćajnice.
3. Zbog toga Općinsko vijeće Općine Goražde smatra da nema smetnji za donošenje Odluke o utvrđivanju javnog interesa za rekonstrukciju regionalnog puta R 448, dionica Bačanski most – Zupčići kroz naselje Splavište od strane Vlade BPK-a Goražde.

Broj: 01-05-1-3103

Goražde, 09.07.2014. godine

PREDSJEDAVAJUĆA VIJEĆA

Jelena Mirković

1213

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **19.** redovnoj sjednici, održanoj dana **09.07.2014.** godine, **d o n o s i:**

Z A K L J U Č A K

1. Podnosilac inicijative za zatvaranje azila za pse, te stavljanja van snage Odluke o držanju pasa, registraciji i načinu postupanja s neupisanim, napuštenim i izgubljenim psima, Aganspahić Lejla, povlači podnesenu inicijativu.
2. Da nadležna komunalna i veterinarska inspekcija dosljedno vrše nadzor nad provođenjem Odluke o držanju pasa, registraciji i načinu postupanja s neupisanim, napuštenim i izgubljenim psima, a posebno člana 16., i da o tome informišu Vijeće. Ukoliko u izvjesnom periodu rezultati ne budu vidljivi, ponovo će se pokrenuti ova inicijativa.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-3105
Goražde, 09.07.2014. godine
PREDSJEDAVAJUĆA VIJEĆA
Jelena Mirković

1214

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **19.** redovnoj sjednici, održanoj dana **09.07.2014.** godine, **d o n o s i:**

Z A K L J U Č A K

1. Prihvata se inicijativa vijećnika Mujković Edina koja se odnosi na donošenje Odluke o proglašenju „Dana rijeke Drine“.
2. Zadužuje se Načelnik Općine i nadležna služba da, u smislu i cilju realizacije ove inicijative, pripreme prijedlog ili nacrt propisa.
3. Rok za realizaciju ovog Zaključka je do 60 dana.
4. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-3106
Goražde, 09.07.2014. godine
PREDSJEDAVAJUĆA VIJEĆA
Jelena Mirković

1215

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **19.** redovnoj sjednici, održanoj dana **09.07.2014.** godine, **d o n o s i:**

Z A K L J U Č A K

1. Informacija o poslovnim prostorijama u vlasništvu Općine Goražde prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-3104
Goražde, 09.07.2014. godine
PREDSJEDAVAJUĆA VIJEĆA
Jelena Mirković

1216

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **19.** redovnoj sjednici, održanoj dana **09.07.2014.** godine, **d o n o s i:**

Z A K L J U Č A K

1. Zadužuje se Predsjedavajuća Općinskog vijeća Općine Goražde da u narednih 48 sati procijeni trenutno nastalu situaciju vezano za problem odlaganja komunalnog otpada i zatvaranja privremene deponije, te odluči o eventualnom zakazivanju vanredne sjednice Vijeća.
2. Rok za realizaciju ovog Zaključka je odmah.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-3102
Goražde, 09.07.2014. godine
PREDSJEDAVAJUĆA VIJEĆA
Jelena Mirković

1217

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **19.** redovnoj sjednici, održanoj dana **09.07.2014.** godine, **d o n o s i:**

ZAKLJUČAK

1. Usvaja se Izvještaj o realizaciji Zaključaka sa prethodne 18. redovne sjednice Vijeća.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-3101

Goražde, 09.07.2014. godine

PREDSJEDAVAJUĆA VIJEĆA

Jelena Mirković

SADRŽAJ

1208	ODLUKU o davanju saglasnosti o pokretanju postupka pregovaranja o podjeli 79 potkrovnih stanova u ulicama Maršala Tita, Jusufa Duhovića i Meha Drljevića u Goraždu	949
1209	ODLUKU o prestanku Javnog preduzeća „Sportsko- kulturno- privredni centar“ d.o.o. Goražde i osnivanju Javne ustanove Sportski centar Goražde	949
1210	ODLUKU o preuzimanju JU za predškolski odgoj i obrazovanje Goražde na trezor Općine Goražde	951
1211	ODLUKU o preuzimanju JU Centar za kulturu Goražde na trezor Općine Goražde	951
1212	MIŠLJENJE	951
1213	ZAKLJUČCI	952

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161
i pomoćnik načelnika Službe za društvene djelatnosti, opću upravu i zajedniče poslove,
Sanid Zirak tel: +38738221796.

Štampa: **GRAFOMERX** Goražde